



**ՍՈՎԵՏԱԿԱՆ ՄԻՈՒԹՅԱՆ ԿԱՌԱՎԱՐՈՒԹՅԱՆ
ՇՆՈՐՀԱԿԱԼՈՒԹՅՈՒՆԸ ԱԶԳԱՅԻՆ-ԵԿԵՂԵՑԱԿԱՆ
ԺՈՂՈՎԻ ԿՈՂՄԻՑ ՈՒՂԱՐԿՎԱԾ ՈՂՋՈՒՅՆԻ ԱՌԹԻՎ**

ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՆՈՐԻՆ Ս. ՕԾՈՒԹՅՈՒՆ Տ. Տ. ՎԱԶԳԵՆ Ա.Ը
ՀԱՅԿԱԿԱՆ ՍՍԻ ՄԻՆԻՍՏՐՆԵՐԻ ՍՈՎԵՏԻՆ ԿԻՑ ՀԱՅ ԵԿԵՂԵՑՈՒ ԳՈՐԾԵՐԻ
ԽՈՐՀՐԴԻ ՆԱԽԱԳԱՀ Պ. ՀՐ. ԳՐԻԳՈՐՅԱՆԻ ՄԻՋՈՑՈՎ ՍՏԱՑԵԼ Է ՍՍԻՄ
ՄԻՆԻՍՏՐՆԵՐԻ ՍՈՎԵՏԻՆ ԿԻՑ ԿՐՈՆԱԿԱՆ ՊԱՇՏԱՄՈՒՆՔՆԵՐԻ ԳՈՐԾԵՐԻ ԽՈՐ-
ՀՐԴԻ ՆԱԽԱԳԱՀ Պ. Ի. ՊՈԼՅԱՆՍԿՈՒ ՀԵՏԵՎՅԱԼ ՀԵՌԱԳԻՐԸ

**ԱՄԵՆԱՅՆ ՀԱՅՈՑ ԻՄՅՐԱԳՈՒՅՆ ՊԱՏՐԻԱՐԺ-ԿԱԹՈՂԻԿՈՍ
Վ. Ա. Ջ. Գ. Ե. Ն. Ա.**

ԷՋՄԻՆԱԾԻՆ

ՀԱՄԱԶԳԱՅԻՆ ԵԿԵՂԵՑԱԿԱՆ ԺՈՂՈՎԻ ԿՈՂՄԻՑ ՍՍԻՄ ՄԻ-
ՆԻՍՏՐՆԵՐԻ ՍՈՎԵՏԻ ՆԱԽԱԳԱՀ ԸՆԿԵՐ ԲՈՒԼԳԱՆԻՆԻ ԱՆՈՒՆՈՎ
ՀՂԱԾ ՈՂՋՈՒՅՆԻ ՀԵՌԱԳՐԸ ԾԱՆՈՒՑՎԱԾ Է ԱՐՁԱԿՈՒՐԴԻ ՄԵՋ
ԳՏՆՎՈՂ ԸՆԿԵՐ ԲՈՒԼԳԱՆԻՆԻ: ԻՆՁ ՀԱՆՁՆԱՐԱՐՎԱԾ Է ՇՆՈՐՀԱ-
ԿԱԼՈՒԹՅՈՒՆ ՀԱՂՈՐԴԵԼ ԺՈՂՈՎԻ ՄԱՍՆԱԿԻՑՆԵՐԻՆ՝ ՈՒՂԱՐԿՎԱԾ
ՈՂՋՈՒՅՆԻ ՀԱՄԱՐ, ԵՎ ԱՅԴՊԻՍԻՆ ԵՍ ԿԱՏԱՐՈՒՄ ԵՄ ՏՎՅԱԼ ՀԵ-
ՐԱԳՐԻ ՄԻՋՈՑՈՎ:

ՍՍԻՄ ՄԻՆԻՍՏՐՆԵՐԻ ՍՈՎԵՏԻՆ ԿԻՑ ԿՐՈՆԱԿԱՆ ՊԱՇՏԱՄՈՒՆՔՆԵՐԻ
ԳՈՐԾԵՐԻ ԽՈՐՀՐԴԻ ՆԱԽԱԳԱՀ՝ **ՊՈԼՅԱՆՍԿԻ:**

ՄԱՅՐ ԱԹՈՒԻ ԴԻՎԱՆԱՏՈՒՆ

**ՍՈՎԵՏԱԿԱՆ ՀԱՅԱՍՏԱՆԻ ԿԱՌԱՎԱՐՈՒԹՅԱՆ
ՇՆՈՐՀԱԿԱԼՈՒԹՅՈՒՆԸ ԱԶԳԱՅԻՆ-ԵԿԵՂԵՑԱԿԱՆ
ԺՈՂՈՎԻ ԿՈՂՄԻՑ ՈՒՂԱՐԿՎԱԾ ՈՂՋՈՒՅՆԻ ԱՌԹԻՎ**

ՀԱՅԿԱԿԱՆ ՍՍԻ ՄԻՆԻՍՏՐՆԵՐԻ ՍՈՎԵՏԻՆ ԿԻՑ ՀԱՅ ԵԿԵՂԵՑՈՒ
ԳՈՐԾԵՐԻ ԽՈՐՀՐԴԻ ՆԱԽԱԳԱՀ Պ. ՀՐ. ԳՐԻԳՈՐՅԱՆԸ ՍՈՒՅՆ ԹՎԻ
ՀՈԿՏԵՄԲԵՐԻ 9-ԻՆ ԱՆՁԱՄԲ ԱՅՑԵԼԵՑ՝ ՄԱՅՐ ԱԹՈՒ Ս. ԷՋՄԻՆԱԾԻՆ
ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ.
ՎԱԶԳԵՆ Ա. ՀԱՅՐԱՊԵՏԻՆ ԵՎ ՍՈՎԵՏԱԿԱՆ ՀԱՅԱՍՏԱՆԻ ԿԱՌԱՎԱ-
ՐՈՒԹՅԱՆ ԱՆՈՒՆԻՑ ՇՆՈՐՀԱԿԱԼՈՒԹՅՈՒՆ ՀԱՅՏՆԵՑ ԱԶԳԱՅԻՆ-
ԵԿԵՂԵՑԱԿԱՆ ԺՈՂՈՎԻ ԲՈԼՈՐ ՄԱՍՆԱԿԻՑՆԵՐԻՆ՝ ԿԱՌԱՎԱՐՈՒ-
ԹՅԱՆԸ ՀՂԱԾ ՈՂՋՈՒՅՆԻ ՀԵՐԱԳՐԻ ԱՌԹԻՎ:

ՄԱՅՐ ԱԹՈՒԻ ԴԻՎԱՆԱՏՈՒՆ

